

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Itisiliineq 2020-imi marsip 31-ani Kommunalbestyrelsip aningaasaqarnermut nalunaarusiaaniit atugarissaanermut immikkoortoqarfimmiit (1. Kvartal 2020)

Imm. 03 Tapiliussatut aningaasaliinissamut qinnuteqaat Kangerlussuarmi isumaginninnermi siunnersortitut atorfirmik nutaamik atorfinittisinissamut

Imm. 04 Sisimiuni Puigortunngortunut utoqqarnut angerlarsimaffimmik sanaartornissamut Sanaartornermut pilersaarumik akuersissuteqarneq, missingersuutit pilugit isumasioqatigiinnissamut inissamik toqqaaneq innersuussuteqarnerlu

Suliassat naliginnaasut

Imm. 05 Siusinaartumik pensionisiat pillugit Inatsisartut inatsisaata allanngortinneqarnera pillugu tusarniaanermut akissuteqaat

Paasissutissiissutit

Imm. 06 Sisimiuni Meeqqanut Ineriartortitsinermit centerip Isikkiviup aamma Qeqqata Kommuniata akornanni suleqatigiinnissamik isumaqatigiissut

Imm. 07 Iisimatitsissut meeqqat tapersorneqarnissaannut nalunaarutip allanngortinnissaanut tusarniummut akissut.

Imm. 08 Paasissutissiissut innuttaasunut innarluutilinnut 66-it inorlugit ukiulinnut, utoqqaat angerlarsimaffianni Qupanuk-mi najugaqartunut akiliutinut ilassutitut aningaasaliissutinik qinnuteqaat. Sisimiut

Imm. 09 Tamalaat

Ataatsimiinneq aallartippoq nal. 10:09

Peqataasut:

Atassut

Anna Karen Hoffmann, Kangerlussuaq

Siumut

Hans Frederik Olsen, Siulittaasoq, Sisimiut. Ammasuni imm. 06 anillappoq nal. 10:55-miit nal. 11:00 tungaanut.

Erik Jensen, Sisimiut, nal. 11:24 matoqqasuni imm. 03-ip nalaani ataatsimiinnermi peqataalerpoq.

Inuit Ataqaatigiit

Juliane Enoksen, Siulittaasup tullia Sisimiut

Carl Christian. Olsen, Sisimiut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

Hans Frederik Olsen imm. 06 peqataaffigisinnaanagu, siulittaasup tulliaata suliaq ingerlatissagaa nalunaaruteqarpoq. Siulittaasup nalunaarutigaa Erik Jensen ataatsimiinnissamut kingusinaarluni takkunnissaminut nalunaaruteqarsimasoq.

Anna Karen Hoffmann imm. 03-mut apequtissaqarpoq.

Aningaasaqarnermut tunngasut

Imm. 02 Itisiliineq 2020-imi marsip 31-ani Kommunalbestyrelsip aningaasaqarnermut nalunaarusiaaniit atugarissaarnermut immikkoortoqarfimmiit (1. Kvartal 2020)

Journalnr. 06.01.02

Pissutsit atuuttut

Aningaasaqarnermut takussutissat ataaniittut 2020-mi marsip 31-ani naatsorsorneqartuni kisitsini oqimaaqatigiissitsinermit aallaaveqarput.

Pisortat ataatsimoorussamik naatsorsuuserinermit systemip ataani atuinissaannik kommunit namminersorlutillu oqartussat peqquneqarfigineqarnikuusaannik, ilutsimit annertuumit peqquteqartumik, kvartalip qaammataani siullerni marlunni aningaasartuutini nuutsiniarnermik ajornartorsiuteqarnikuuvoq. Taamaattumik kvartalimut siullermut nuutsinissat amerlasuut uninngapput, qaammatini aggersuni iluarsiniarlugit suliarisatsinnik. Missingersuutit 2019-imi oktobarimi Kommunalbestyrelsimiit akuersissutigineqarnikuusut ilangunneqarput, nalunaarusiamilu uani atorneqarlutik. Annertussutsinut nutaanut missingersuutit taakku tulluarsartariaqarnerannut pisariaqartitsisoqartoq paasineqarnikuuvoq - tamanna pisariaqalerpoq, 2020-mi kvartalip siulliup ingerlanerani ingerlatsiviit siunertanut kodet atukkatik nutartertariaqalermitigit, ataatsimiititaliaminni allalluugaanerusumik nalunaarusiamik tunniussisinnaanissaminnut. 2020-mi apriilip ingerlanerani missingersuutini inissaqartitsinerulerinissamik suliaqarpugut.

Missingersuutit akuerissaasut naammasseriarpata ikkunneqarlutillu, Aningaasaqarnermut ataatsimiititaliap Kommunalbestyrelsilluunniit 2019-imi novembarimili akuersissutigineqarnikuusaannik nuutsinernik ilassutitulluunniit aningaasaliissutinik nutarterneqassapput.

2020-mi kvartalimut siullermut oqimaaqatigiissitsilluni nalunaarusiaq aningasaqarnermut immikkoortortamiit Atugarissaarnermut immikkoortortamut tunngasut ilanngussami takuneqarsinnaapput.

Aningaasaqarnikkut allaffissornikkullu kingunerisinaasai

Atugarissaarnermut immikkoortortaq missingersuutaasuniit kvartalimi siullermi 84 procentimik atuivoq. Immikkoortut ataasiakkaat atuivallaarfiupput, Sisimiuni utoqqaat angerlarsimaffiat 21 procentimik, tamannalu akissarsianut aningaasartuuteqarnerulernermik missingersuutaasuniit 1,3 mio. koruuninik patsiseqarpoq. Utoqqaat angerlarsimaffiat missingersuutaasuniit tamakkiisumik 1,2 mio. koruuninik atuivallaarpoq. Atugarissaarnermut Innuttaasunik sullissivik kvartalimi siullermi 3,4 mio. koruuninik atuivallaarpoq, taanna ilaatigut immikkoortumi utertitassat suli tamakkerlugit tiguneqannginnerinik patsiseqarpoq. Sisimiuni innarluutilinnut immikkoortoq kvartalimi 48 procentimik atuivallaarpoq, taanna aamma utertitassanik tigusaqarsimannginnermik patsiseqarpoq. SIS Innarluutilinnut immikkoortoq, Man Utoqqarnut Siusinaartumillu pensioninut aamma Man Innarluutilinnut immikkoortoq atuinermi qaammatini ataasiakkaani annertuumik nikingaffiupput, tamanna 2019-imut utertitat nuutsinneqartut kukkusumik 2020-mut naatorsuutinut ikkunneqarsimaneramik patsiseqarpoq.

Aningaasaqarnermut sulisoqarnermullu kinguneqarnaviannngilaq. Atugarissaarnermut immikkoortortaqarfik nalilersorpaali suli aningaasaqarnermut aqutsineq sukatigaq ingerlanneqassasoq immikkoortortaqarfimmi aamma illorsuup avataani sullissivinni.

Allaffeqarfiup naliliinera

Pisortat ataatsimoorussamik naatsorsuuserinermit systemip ERP sulisunut atuutilernissaa ajornakusoorsimavoq ilikkarnissaanut, ilitsersuineq Fujitsu-miit suli ingerlanneqarpoq naammassineqarnanilu. Sulianik sullissisut ilaatigut piginnaaffimmik tunineqarnikuunngillat

aningaasaqarnermut sumut killinnersoq takusinnangorniarlugu, taamasilluni ilaatigut ataatsimiititaliamut suliat naammassisutut isikkoqarneq ajorlutik, ilitsersuinerli naammassippat suliat aatsaat tamakkiisumik suliarneqarsinnangussapput. Aningaasaqarnermut aqutsisoqarfik nalunaarpoq ukioq manna 2020 aningaasanik saqqummeeriatimik pilersitsissalluni. Aningaasaqarnerup immikkoortortaqarfia nalilersortinneqarpoq qanoq immikkoortortaqarfippat aningaasanik atuisimanera ullumimut killillugu. Nalilersuinerat imaappoq: Immikkoortortaqarfik atuisimanera anikippasippoq, uku akiligassat akilerneqariarpata allagulaarsinnaavoq.

Innersuussut

Atugarissaarnermut ataatsimiititaliamut akuereqqullugu innersuussutigineqarpoq:

1. Aningaasaqarnermut itisiliinerit tusagassatut tiguneqaqqullugit.

Aalajangiineq

Tusaatissatut tiguneqarpoq.

Ilanngussat

1. Velfærd - 1 kvf 2020 lavet 05052020

**Imm. 03 Tapiliussatut aningaasaliinissamut qinnuteqaat Kangerlussuarmi
isumaginninnermi siunnersortitut atorfirmik nutaamik atorfinittisinissamut**

Journalnr. 03.00.07

Tunuliaqutaq

2019-imi aggustip 19-iani Kommunalbestyrelsimi ilaasortaq Anna Karen Hoffmann mailikkut Kangerlussuarmi isumaginninnermut siunnersortimik atorfinittisisoqarnissaanik siunnersuuteqarpoq, siunnersuullu 2019-imi septembarip 30-ani Kommunalbestyrelsip nalinginnaasumik ataatsimiinnerani eqqartoqarneqarluni, tamatumalu kingorna Atugarissaarnermut ataatsimiititaliamut tusarniutitut nassiunneqarluni, suliaq nanngineqarpoq kommunalbestyrelsen-imiit aprili 30-viani 2020.

Maleruagassatigut tunngavigisaaq

Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersoq

Pissutsit atuuttut

Anna Karen Hoffmann siunnersuummini allaaseraa, Kangerlussuarmi inunnik isumaginninnermi sulisumik (socilaråd giver) assigisaanilluunniit inulerinermik ilinniarluarluarsimasumik kommunemi sulisoqalernissaa tulluurtuuvuq, pisariaqarlunnarlunilu. Tassami Kangerlussuaq suliffeqarfissuuvuq, inunnik ataasiakkaanik ukiunilu kingullerni ilaqutariittut nuttarfigineqartualernikoq.

Suliniarfinnilu assigiinngitsuni, soorlu atuarfimmi, inuusuttut ornittagaanni assigisaanilu, ilaqutariit amerliartortut ikiorneqarnissamik pisariaqartitsisut ersarissisoq, pisariaqartitsinerlu annertusiartuinnarluni.

Ukiup ingerlanerani inuusuttut marluk imminut toqupput, pingasullu imminut toqoriarsimallutik, tamannalu annertuumik ernumanartutut Anna Karen Hoffmann isumaqarfigaa.

Taamaattumik Anna Karen Hoffmann isumaqarpoq, isumaginninnermut siunnersortip saniatigut, pinaveersaartitsinermut siunnersortimik atorfinittisisoqartariaqartoq, taannalu piffissaq tamakkerlugu sulisuussalluni, Kangerlussuummi immikkuullarissuuneranit sunngiffimmi sammisaqartitsisoqarpallaartannginnera immikkuullarinneranut patsisaaqataavoq, innuttaasullu sulisorujussuusarput, namminerlu kajumissutsimik suliaqarnissamut nukissaqarpiarneq ajorlutik. Peqatigiiffippassuaqanngilaq nunaqarfimmi allanisuulli assigiinngitsunik aqqqissuisinnaasunik. Taamaattumik Anne Karen Hoffmann isumaqarpoq, pinaveersaartitsinermut siunnersortimik annertuumik pisariaqartitsisoqartoq.

Anna Karen Hoffmann allapportaaq, utaqqeqqittoqarsinnaanngitsoq, utaqqisoqaqqissappammi ajornerulersinnaanera ernumagaa.

Taamaattumik Pisortap sulisuini allaffeqarfik naliliivoq, isumaginninnermik siunnersortitut atorfirmi namminerisamik ingerlariaatsitut periarfissat isiginiarneqassasut, ima paasillugu, maannakkut sullissoq siunissami atorfirmiit tunuarpat, atorfirmut isumaginninnikkut siunnersortimik inuttassarsiuussisoqassasoq, nunaqarfimmilu pissutsit pitsanngorsarneqarnissaanut Ilaqutariinnermut immikkoortortamik suleqateqarneq ingerlatiinnarneqassasoq.

Ilaqutariinnermut immikkoortortamit paasissutissiissutigineqassaaq, ilaqutariit arlaqartut inooqataanikkut ajornartorsiuteqartut unammillernartoqartullu Kangerlussuarmut nuuttartut, ilaatigut ilaqutariit inissiaatileqatigiiffik INI a/s-imut akiitsoqarnermikkut angerlarsimaffimmit anisitaasimasut. Kangerlussuarmi suliffissarsiornikkut suliffittaarnikkullu inissaqartitsisoqartarluni, taannalu inummut ataatsimut marlunnulluunniit taamaallaat naleqquttuulluni. Pisuni taakkunani ilaqutariit meerartallit

ilaqutariinnut naapertuutinngitsuni ineeqqani najugaqartunik, Ilaqutariinnermut immikkoortortaq naammattuuisarpoq.

Taamatuttaaq paasissutissiissutigineqassaaq, Kangerlussuarmi 2017-imi nalunaarutiginninnerit arfinillit, 2018-imi nalunaarutiginninnerit arfineq-pingasut kiisalu 2019-imi nalunaarutiginninnerit 19-it tiguneqarnikummata.

Ilaqutariinnermut immikkoortortami sulisut sulinnermut atatillugu angalanerminni Kangerlussuarmi suliaqarfinnut kiisalu innuttaasunik ataatsimiisitsinermi paasititsiniaasoqartartoq, taamaattumillu Kangerlussuarmi sulisut sukannerusumik nalunaartussaataitaanerminnik ilisimasaqarluarlarsimasut, tamannalu kisitsisit qaffariaateqarneratigut takuneqarsinnaalluni.

Meeqqanut tunngasunik suliat saniatigut, Ilaqutariinnermut immikkoortortap iluani suliassat allat sullissisumit suliarineqartarput, soorlu utoqqalilluni pensionit, innarluutilinnut, pisortanit ikiorsiissutit, Meeqqanut ilaqutariinnullu tunngasut, suliat akimorlugit suleqatigiissitat, pinaveersaartitsinermut ataatsimiititaliaq, pinaveersaartitsinermut suliniutit, suliat akimorlugit ataatsimiinnerit, innuttaasunik oqaloqateqarneq, innersuussinerit il.il., taamaattumik Sisimiuni sullissisut suleqatigalugit allaffissornikkut arlalinnik suliassaqartarpoq.

Meeqqat inuusuttullu tapersorsorneqarnissaannut inatsit naapertorlugu, kommunit qimanneqartoq kommunimut nuuffigisamut nalunaartussaataitaavoq, kommuniniilli nalunaarutiginninnerit qaqutigoortumik Ilaqutariinnermut immikkoortortaq tigusaqartarpoq, taamaattumillu atuarfik, meeqqerivik inuusuttullu ornittagaannit ajornartorsiutit nalunaarutigineqaraangata aatsaat paasineqartarlutik.

Tamatuma saniatigut paasissutissiissutigineqassaaq, Kangerlussuarmi isumaginninnikkut pigaartoqarnikkut aaqqiissuteqartoqanngimmat, tassa sullissisup suliffiup avataatigut immikkoortoq tamaaviat kisimiilluni tigummisinnaanngimmagu.

Ilaqutariinnermut immikkoortortamit ilisimavarput, Kangerlussuarmi sullissisoq kisimiinnermini unammillernartoqartitsillunilu ajornartorsiuteqartoq, allaffissornikkummi suliassat arlaqarput kiisalu misissuinerit ingerlanneqartarlutik, meeqqat inuusuttullu tapersorsorneqarnissaannut inatsit naapertorlugu ilaqutariit taakku ikiorneqassappata, suliamut ilinniarsimasumik atorfinitsitsinissaq pisariaqarpoq.

Ilaqutariinnermut immikkoortortaq nunaqarfinnik pingasuusunik ataasinngornerit tamaasa oqarasuaatikkut ataatsimeeqateqartarpoq, tasanilu isumaginninnikkut suliassat eqqartorneqartarlutik, taamaalillunilu sullissisumut sulianut siunnersiueqatigiinnerit kiisalu siunnersuinerit ilitersuinerillu tunniunneqartarlutik. Suliffimmut atatillugu angalanerit nunaqarfiit peqatigalugit pilersaarusiorneqartarput Ilaqutariinnermut immikkoortortamit isumaginninnermut siunnersorti Kangerlussuarmukartarpoq, ilaatigullu pisariaqartitsisoqartillugu, ikiuukkiartorluni tapersersuiartorlunilu.

Suliat akimorlugit suleqatigiissitaq, Kangerlussuarmi pinaveersaartitsinermut ataatsimiititaliaatigisoq, ataatsimiittarnerminni pinaveersaartitsinermik suliniuteqarnissamik ataqatigiissaarisooqarnissamillu annertuumik pisariaqartitsisoqartoq oqariutuuteqarpoq, taamatullu isumaginninnikkut ajornartorsiutit annertusiartortut, taamaattumik nunaqarfinni unammillernartunik isumaginnissinnaasumik ilinniarsimasumik pisariaqartitsivoq.

**Atugarissaarnermut Ataatsimiititaliap maj-ip 12-ani 2020-imi ileqquusumik ataatsimiinnera
05/2020 – Imaqarniliaq**

Allaffissornikkut misissueqqinnermi ilassutit:
2019-im illoqarfinni nunaqarfinnilu suliat annertussusaat piviusut:

Sisimiuni nunaqarfii	Sarfanguit	Itilleq	Kangerlussuaq
2019	11	10	14

Maniitsup nunaqarfii	Kangaamiut	Napasq	Atammik
2019	3	2	9

Nalunaarusiaq 2019-imi februaarip aallaqqaataaneersoq ilanngussami kisitsisit.

SISIMIUT	Suliat amerlassusii	MANITSOQ	Suliat amerlassusii
Suliat katillugit	724		431
Sullissumut	72,4		33,2
ataatsimut suliat agguaqatigiisillug u			

Suliaq agguartaarneri isikkusut massakkut allaanerusinnaapput, nalilerneqarporli ikinnerunngitsut.

Aningaasaqarnikkut allaffissornikkullu kingunerisinaasai

Atorfik pioreersut saniatigut nutaamik inunnik isumaginninnermik ilinniarsimasumik atorfinitsisoqarpat ukiumut aningaasaqarnikkut 342.770kr. kinguneqassaaq. (trin-ini siulleg oqartussaanermut tapi ilanngullugu). Saniatigut nuunnermut aningaasartuutit naleqatussassapput 50.000kr-imik.

Atuilluartuunissakkut kingunerisinaasai

Nunaqarfimmi anginerusumi isumaginninnermut siunnersortitut ilinniarsimasumik atorfinitsitsinissaq atuilluartuunerussaaq, isumaginninnermut immikkoortortami unammillernartut annertusiartormata, ikiorneqarnissamillu pisariaqartitsineq qaffakkiartorluni. Kangerlussuarmi nunaqarfinnilu innuttaasut pisariaqartitaminnut eqqortumik ikiorneqarsinnaallutik misigisussaapput.

Allaffeqarfiup naliliinera

Ilaqutariinnermut immikkoortortaq naliliivoq, siunnersuut tapersorsornartooq, Atugarissaarnermut ataatsimiititaliamiillu tapersorsorneqarnissaa innersuussutigalugu. kisitsisitigut nalunaarutiginninnerit arlaqarnerisa takutippaat, immikkoortumi suliasat amerliartortut ammalu innuttaasut ikiorneqarnissaminnik pisariaqartitsisut.

Isumaginninnermi siunnersorti suliasat annertussusaat eqqarsaatigalugu aammalu Qeqqata Kommuniani nunaqarfiit tamarmiusut assigiissarneqarnissaminnut assigiiaartumillu sullinneqarnissaminnut pisariaqartitsinerat aallaavigalugu, siunnersortip nunaqarfinnut tamavinnut siunnersortitut inissisimalluarsinnaavoq.

Tamatuma saniatigut Ilaqutariinnermut immikkoortortaq naliliivoq, Kangerlussuarmut nuuttartut inooqataanikkut ajornartorsiuteqartut amerlineratigut, kommunimit isumagineqartussat unammillernartut annertusiartormata, isumaginninnermut siunnersortitut ilinniarsimasumik pisariaqartitsisoqartoq. Isumaginninnermut siunnersortimik atorfinitsitsinikkut innuttaasut ikiorneqarnissamik pisariaqartitsinerat

naammassineqarsinnaalissagalarpoq, angerlarsimaffinnilu meeqqanut atugassarititaasut sukkannerusumik ersarissarneqarsinnaallutik kiisalu ikiorsiissutit pilersinneqarsinnaalissallutik. Kangerlussuarmi suleqatigisat, soorlu Politiit, Peqqissaavik, atuarfik, meeqquarivik kiisalu inuusuttut ornittagaat, pinaveersaartitsinnermi suliniutinik ataqatigiissarneqarnerisa nukittorsarneqarnissaat kiisalu nunaqarfimmi suliat akimorlugit suleqatigiinnerup pitsaangorsarneqarnissaa kissaatigaat, sulianullu taamak amerlatigisunut sullissisumut ataasiinnaasumut angumaffigiuminaammata, Ilaqutariinnermut immikkoortortaq Atugarissaarnermutataatsimiititaliamit siunnersuut tapersorsorneqarnissaa taamaallaat innersuussutigisinnaavaa.

Atugarissaarnermut Ataatsimiititaliap suliamut suliarinninnera

Ataatsimiititaliap 12.februar ataatsimiinnerani aalajangiunneqarpoq Kangerlussuarmi inunnik isumaginninnermik siunnersortimik atorfinitsissoqassasoq Kommunalbestyrelsemullu akuerisassanngorlugu innersuussutigineqassasoq.

Kommunalbestyrelsen-ip suliamut suliarinninnera

Kommunalbestyrelse naapinnermini naliginnaasumi aprili 30-viani 2020 akuersipput sulisumik illassasut isumaginninnermi siunnersortimik ilinniarsimasumik, nunaqarfiit sullisisussamik.

Innersuussut

Atugarissaarnermut Immikkoortortaqarfik innersuussutigaa Atugarissaarnermut ataatsimiititaliamut

- Tapiliussatut aningaasanik qinnuteqarnek 392.770kr nalilimmik sulisoqalernissamik Kangerlussuarmi akuerineqassasoq.
- Atorfiusoq Atugarissaarnermut Immikkoortortaqarfik Sisimiuniittumut atalissasoq
- Isumaginninnermut siunnersortinngortussaq nunaqarfiit tamakkiisumik sullisissagaai
- Aningaasanik qinnuteqaat akuerineqarpat suliaq aningaasaqarnermut ataatsimiititaliamut kommunalbestyrelse-mullu akuerisassatut ingerlatinneqassasoq

Aalajanginneq

Akuersissutigineqarpoq akioq manna ukiup affaanut tapiliussatut aningaasartuutit qinnututiginetartut ukiullu tullianut tamakkiisumik aningaasaliissutit ukiut tulliuttunut 2021,2022, 2023-mut atuutinneqassapput. Suliaq Aningaasaqarnermut ataatsimiititaliamut Kommunalbestyrelse-mullu akuerisassanngorlugu ingerlatinneqassaaq.

Ilanngussat

Soqanngilaq.

Imm. 04 Sisimiuni Puigortunnortunut utoqqarnut angerlarsimaffimmik sanaartornissamut Sanaartornermut pilersaarumik akuersissuteqarneq, missingersuutit pilugit isumasioqatigiinnissamut inissamik toqqaaneq innersuussuteqarnerlu

Journalnr. 44.19

Sanaartornissamut pilersaarut
Suliniutip normua 243
AP 080.056

Tunuliaqutaq

Suleqatigiinnissamut isumaqatigiissut naapertorlugu 2019-imi aggustii Missingersuutit pillugit isumasioqatigiinnissamut Ilaqutariinnermut Isumaginninnermullu ataatsimiititaliaq missingersuutinut kissaatinik tallimanik nassiussaqaarnikuuvoq, tamatuma kingorna 2020-mut kommunip missingersuutaani 2,2 mil. koruunit immikkoortinneqarput assinganillu Sisimiuni puigortunnortunut immikkoortortamut 20-nut inissalimmu pilersaausiornermut Namminersorutik oqartussat 2,2 milo. koruunit tapiissutitut aningaasaliissutigalugit. Assinganik inissanut 20-nut AP 070.44.055-itut Maniitsumi utoqqaat illuannik alliliinissamut 2020-mut aningaasaqarnermut inatsimmi aningaasat amerlaqataannik ikkussisoqaarnikuuvoq, kisianni Sisimiuni allileereernerup kingorna tamanna aallartinneqartussaagami, taamaattumillu suliamik saqqummiussaq una annertunerusumik attorneqarani.

Utoqqaat Angerlarsimaffiat Qupanuk 2014-imi nutaamik kitaani initalerlugu inissanik arfineq-marlunnik allineqarpoq, tassani puigortunnortut immikkoortortaanit utoqqaallu angerlarsimaffiata sinnerata akornanni nutaamik killiinerimik pilersitsisoqarluni. 2019-imi aggustimi Missingersuutit pillugit isumasioqatigiinnissamut missingesuutinut kissaatinik inississuinerimi, maannakkut utoqqaat angerlarsimaffianni igaalujusuiik isertarfilerlugu ilassutitutu 20-nut inissalimmu puigortunnortunut immikkoortut sanartorugaasinnaasoq allassimanikuuvoq.

Maannakkut utoqqaat angerlarsimaffiannut taamak annertutigisumik ilassusiilluni annertusaasinnaaneq periarfissaanikuunnigimmat, sanaartornissamut ataatsimiititaliap siunnersuutigini kuvaa, illumi namminerisami 20-nut inissanut puigortunnortunut utoqqaat angerlarsimaffiannik nutaamik sanaartortoqassasoq.

Maleruagassatigut tunngavigisaq:

Qeqqata Kommuniata 2020-mut ukiunullu missiliuteqarfiusunut missingersuutai.

Pissutit atuuttut

Maannakkut utoqqaat angerlarsimaffiat Qupanuk 2014-imi puigortunnortunut immikkoortumik ilassuserneqarnikuuvoq. Suliniut 2012-imi aallartimmat, najugaqartut 33-upput, taakkunannga puigortunnortut 13-it utaqqisullu 28-t. Ullumikkut najugaqartunut 42-nut taakkunannga puigortunnortunut 18-inut inissaqarpoq, aammalu Qupanummut utaqqisut 26-upput. Najugaqartulli ilaat puigortunnornermi takussutissaarqarput, kisianni suli suussuserneqarnissamik amigaateqarlutik, najugaqartut taakku suli misissorneqarngimmata. Utoqqaat angerlarsimaffianni pisortap ilimagaa, najugaqartut arfinillit puigortunnorsinnaasut pineqartut.

Innuttaasut namminerisaminni angerlarsimaffimmi najugaqartut eqqarsaatigalugit, Atugarissaarnermut immikkoortortaq tullinnguuttutigit paasissutissaateqarpoq, innuttaasut sisamat

puigortunngorsimanermut misilinneqarnikuuput, pingasut tmsilinneqartut kisianni killissaaniigatik, sisamat puigortunngortutut ilimagineqartut misiliiffigineqanngitsut, innuttaasut pingasut assingusunik takussutissallit misiliiffigineqanngitsut. Tassa imaappoq, innuttaasut 14-it namminerisamik angerlarsimaffimmini najugaqartut puigortunngortunut inissamut pisariaqartitsipput.

Sisimiuni utoqqaat angerlarsimaffiata Qupanummi ininik 20-nik puigortunngortunut immikkoortumik nutaamik sanaartornermut atatillugu, Atugarissaarnermut immikkoortortaq Namminersorlutik Oqartussani Pinaveersaartitsinermit Isumaginninnermilu tunngasunut Aqutsisoqarfianut 2019-imi oktobarip aappaani qinnuteqaammik nassiusinikuuvoq, taakku nalunaarutiginiikuvaat, pilersaarusionermut 50 procentimik tapiissuteqarnissaq pillugu akuersissuteqarlutik, tassa imaappoq, tapiissut 2,2 mio. koruunit 2019-imi decembarip aqqarnani AP-projekt 080.44.056.

2019-imi oktobarimi pisariaqartitanut nassuiaammi nalilerneqarpoq, nunaminertaq atugassaq pisariaqartinneqartoq 1237 m²-usuoq aammalu sanaartornissaq 44 mio. koruuneqassasoq, naatsorsuinnermilii tassani kissarsuuteqarfimmut, silaannarissarfinnut, sulisunut atugassarititaasunut, errorsisarfimmut igaffissuarmullu atugassat ilanngunneqarnikuunngilaq, maannakkut utoqqaat angerlarsimaffiannit alliliinikkut annertusaasinnaaneq naatsorsuutigineqarmat. Najugaqartunut 20-nut taamak annertutigisumik ilassusiilluni maanna utoqqaat angerlarsimaffiat allilerneqarnissaa periarfissaqanngimmat, immikkoortoq tamakkerluni atorneqarmat aammalu sivingasunik qaqqat killingeqarmata, alliliissuteqarneq taamaallaat ingutserinikkut aammalu portusoorujussuarnik toqqavilinnik pisoinnaavoq. Taamaaliornikkut puigortunngortunut utoqqaat angerlarsimaffiat 20-nik initalimmut nunaminertamik pisariaqartitaq 1707 m²-nissaa naatsorsuutigineqarpoq, aammau sanaartornermi aningaasartuutissat 55-63 mio. koruuniunissaat ilimagineqarpoq, taakkunganna pilersaarusionermut 6 mio. koruunit annertussuseqassaaq. Taakkununga ilanngunneqassapput sanaartorfissagissaanermut aningaasartuutit 1,5-14 mio. koruunit missaaniittut, inissisimaffia apeqqutaalluni, takuuk ilanngussaq 2.

Taamaattumik naatsorsuutigineqarpoq sanaartornermut pilersaarusionermullu aningaasartuutit 50 procenti 27-32 mio. koruuniussasut naatsorsuutigineqarpuqt, Namminersorlutik Oqartussat aningaasaqarnermut inatsisaanni ilanngunneqarnissaannik kommunip qinnutigisinnaasaa.

Sanaartornissamut pilersaarummut uunga sanaartornermut ataatsimiititaliamik pilersitsisoqarnikuuvoq, makkuusunik;

Kirsten Bødker, Atugarissaarnermut pisortaajunnaartoq

Estella Buhrkall, maanna Atugarissaanermut pisortaagallartoq

Peter Mattaaq – utoqqaat angerlarsimaffiani Qupanummi pisortaq

Hans Holt Poulsen, siunnersorti illoqarfimmik pilersaarusionermut

Agathe Olsen, civ, ing., Teknikkeqarnermut Avatangiisinullu immikkoortortaq,

Christina Natalie Kompf, Teknikkimut Avatangiisinullu immikkoortortami avatangiisit pillugit sullissisoq

Niels Mønsted, sanaartornermut immikkoortumi pisortaq, Teknikkeqarnermut Avatangiisinullu immikkoortortaq.

Siumut sammisumik suli 20-nut inissalimmik alliliinissamut periarfissalimmik Naatsiivilik biilinullu inissisarfik ilanngullugit, puigortunngortunut najugalinnut inissanut 20-nut sanaartorfissamik 3000kvm missaaniittumik pisariaqartitsisoqarpoq. Taamaalluni sanaartorfissamik 5000kvm missani annertutigisumik pisariaqartitsisoqapoq, tamannalu inissiivissatut allassimasuni tamani atorneqarsinnaavoq.

Puigortunnngortunik paaqqutarinnerneq annertusarsinnaajumallugu piumsaqaatinik naammassinnissinnaasunik inissamik nassaarniarluni, illoqarfimmi inissanik atorsinnaasunnik sanaartornermut ataatsimiititaliaq misissuinikuugaluarpoq.

Puigortunnngortunut utoqqaat angerlarsimaffiannik inissiineq pillugu Allakkisami ilanngussami 2-mi ilanngunneqartumi atuarneqarsinnaavoq. Inissiiffiusinnaasutut periarfissanik katillugit tallimanik siunnersuuteqartoqarnikuuvoq, Atugarissaarnermut Ataatsimiititaliap misissorluagassarisai aammalu inissiiffissaq sorleq najugaqalerumaartussanut tulluarnerpaanersoq nalilersussallugu.

Inissiiffissatut periarfissanik assiginngitsunik Teknikkimut Avatangiisinullu immikkoortorta q misissuinikuuvoq aammalu tallimanik siunnersuuteqarluni.

- 1) Paaraarsuup qulaani, maannakkut utoqqaat angerlarsimaffiata eqqaani.
- 2) Akiani sissami.
- 3) Kommuni pilersaarusiorfigineqarnerani tapiliussami nr. 15-imi sanaartorfissami 4-mi
- 4) Akiani qutsinnersami
- 5) Pingaarnertut appakaaffissap eqqaani qooqqumi

Inissiffissatut periarfissat tallimaasut saniatigut Paamaap Kuua taaneqarpoq, aamma periarfissaasoq, kisianni sanilliusinermi ilaatinneqarnikuunngitsoq, naak inissisimaffik qitiugaluartoq, aammlau illoqarfimmik pilersaarusiortatutut isigalugu aningaasaqarnerlu isigalugu, immikkoortoq sanaartorfissagissareerlunilu narlorsarneqareeraluortoq. Paamaap Kuuani immikkoortoq pitsaassutunik assigiinngitsunik soorlu isikkivimmik pitsaasumik, pinngortitamut appakaaffissamik eqqissisimanissamillu amigaateqarpoq.

Aningaasaqarnikkut allaffissornikkullu kingunerisinaasai

Puigortunnngortunut utoqqaat angerlarsimaffik 20-nik initalimmut, pilersuinerneq assutitut ledningit ilanngullugit m2-mut 32-37.000 koruuninik naleqartumut aammalu ilanngussaq 1-imi imm. 4.3 naapertorlugu 1707 m2-mik nunaminertamik pisariaqartitsisumut, sanaartornermut aningaasartuutissat 55-63 mio. koruunit missaaniinnissat naatsorsuutigineqarpoq, taakkunanngalu pilersaarusiornermut 6 mio. koruunit missaaniissallutik.

Namminersorlutik Oqartussat 50 %-imik aningaasaliissuteqarnissamik neriorsuuteqassappata, sanaartornermut pilersaarusiornermullu kommunip 50 %-imik aningaasartuutissai 27-32 mio. koruuniussasut naatsorsuutigineqarpoq.

Pequtitut soorlu siniffinnut, iggavimmi atortunut, saagunut, pisattanut assigisaannullu, 2023-mi kommunip sanaartornermut missingersuutaanut 1,5 mio. koruuninik inissiisoqartussaassaaq

Puigortunnngortunut utoqqaat angerlarsimaffia 20-nik initalimmut asulisoqarnikkut tullinnguuttutigit pisariaqartitsisoqarnissaa naatsorsuutigineqarpoq:

Puigortunnngortunut utoqqaat angerlarsimaffiata pisortaa	Inuk ataaseq
Sulisut immikkoortortami aqutsisoq pigaartorlu ilanngullugit	Inuit 22
Igaffik / “Café” / Inersuaq	Inuit 12

Puigortunnngortunut utoqqaat angerlarsimaffianut ingerlatsinerneq aningaasartuutit, illumik ingerlatsineq ilanngullugu, ukiumut 12 mio. koruuniunissat naatsorsuutigineqarpoq, aningaasartuutissallu kommunip ingerlatsinerneq missingersuutaanut 2023-ip ukiaanit ukiumullu tulliuuttunut kiisalu sulisunut nutaanut ilinniartitsinissamut pikkorissaanermut aningaasat ikkunneqassallutik. Tamatuma saniatigut 2023-mut missingersuusiortifiusumut, 2022-p aasaanerani

**Atugarissaarnermut Ataatsimiititaliap maj-ip 12-ani 2020-imi ileqquusumik ataatsimiinnera
05/2020 – Imaqarniliaq**

kommuni missingersuutiniq suliaqarleruni, pequtiniq pisinissamut missingersuutiniq ilanngussisoqassalluni.

Inissinissamut periarfissat akillu:

Inissisimaffia	1 Paaraarsuup qulaatungaani	2. Akiani sissami	3. KPT 15-imi sanaartorfissami 4-mi	4. Akiani qatsinnersami	5. PIngaarnertut aqqusinermi appakaaffissap eqqaani qooqqumi
Qaqqamik qaartiterineq toqqaviliinerlu	IMMIKKOORTOQ 2: 500.000 kr. IMMIKKOORTOQ 2: 4-6.000.000 kr.	250.000 kr	500.000 kr.	1.-5000.000 kr.	1. 5000.000- 5.5000.000 kr.
Aqqusiniorneq	500.000 kr.	x	500.000 kr.	3.000.000 kr.	3.500.000 kr.
Pilersuineq	500.000 kr.	x	500.000kr	1.-2.000.000 kr.	2,-4.000.000 kr.
Alla		100.000 kr.			
Alla X		4.000.000 kr.	1.246.110 kr.	1.500.000 kr.	1.5000.000 kr.
Katillugit	IMMIKKOORTOQ 1: 1.500.000 IMMIKKOORTOQ 2: 4-6.000.000	4.350.000 kr.	2.746.110 kr.	6.5000.000- 11.500.000	8.500.000- 14.500.000 kr.

Allaffeqarfiup naliliinera

Atugarissaarnermut immikkoortortaq naliliivoq, utoqqarnut angerlarsimaffik pioreersoq, utoqqarnut paaqqutarineqarnissamik pisariaqartitsisunut taamaallaat atorneqassasoq.

Puigortunngortut immikkut pisariaqartitsisuupput, matumani avatangiisit eqqissisimasut, annertunerusumik nipiliorfiunnginnissaq, angallattoqarpallaannginnissaq kiisalu sammisaqartinneqarnissaq ilanngullugit. Puigortunngortut ullormut silaannarissartinneqartarnissaat pingaaruteqarpoq, ajornanngippat pinngortitami silaannarinnermik pinngortitamillu misigisaqarnissamik pilersitsisumi, taamaalillutik eqqissisimanerulertarput ulluinnarni pisarnerinut sunniuteqartumik kiisalu unnuakkut nsinilluarnerusarlutik.

Puigortunngortut iliuuserisartagaannut imaluunniit pissusilersuutimikkut, najugaqartunit allanit uparuarneqartarput, tamannalu puiegortunngortunit paasiuminaatsinneqartarpoq ajuusaangaatsialersinnaallutillu. Najugaqartut sinneri puigortunngortuunngillat, puigortunngortullu sooq taamatut pissusilersortarnerinik paasinnissinnaanatik.

Puigortunngortunit allanit ilaat sakkortusaarnerusinnaapput, ilaat siusinnerusukku angerlarsimaffiminnukarniarlutik qimaasinnaasarput. Qupanumi matu silarleq isumannaarneqanngimmat aammalu puigortunngortunut naleqqusagaanani, naak sulisunit annertunerusumik nakkutiginnittoqaraluartoq, najugaqartut ilaat anisinnaasarput.

Puigortunngortoq paasineqanngitsutut misigiguni, imaluunniit pisariaqartitani naammassineqanngippata kamalersinnaasarpoq. Taamatut pisoqartillugu toqqissisimannginneq pinngortarpoq, taamaattumillu puigortunngortunut immikkut ilisimatusarsimasunik suliamut ilinniarsimasunik peqarnissaq pingaaruteqarlunnarpoq, puigortunngortarnerimmi assigiinngitsuupput. Piumasaqaatit naammassiniarlugit, ilinniartitsinissamik annertuumik kiisalu najugaqartut ikiorneqarnissamik pisariaqartitaannik naammassinninniarluni ilinniartitseqqiisarnissaq annertuumik pisariaqartinneqarpoq.

Atugarissaarnermut immikkoortortap paasissutissaataat naapertorlugit puigortunngortut amerliartorput, siunissamilu innuttaasunut puigortunngortunut immikkut angerlarsimaffeqalernissaq siunissami pisariaqartinneqarpoq. Maannakkut utoqqaat angerlarsimaffiani ukiuni arlaqartuni paasineqarpoq, naak assiaquteqartumik immikkoortortaqaqaraluartoq, illup pisatsersorneqarnera pitsaassusaalu ullutsinnut naleqqunnilu naapertuutinnngilaq. Puigortunngortunut immikkoortortap immikkoortortap allafiata, nakorsaataasiviup, pujortartarfiup wellness-ertarfillu akimorlugit inissisimammat, akornusersuisunik annertuumik angallattoqartarpoq.

Puigortunngortunut utoqqaat angerlarsimaffiat sapinngisamik angerlarsimaffippalaassaaq, inissiivittullu misinnarpallaassanani, soorlu maannakkut puigortunngortut pisariaqartitaanut naleqqusagaanngitsut.

Puigortunngorsimasunut utoqqaat angerlarsimaffiat pilersinneqarpat atulernerqarlunilu, puigortunngortut immikkoortortaani sulisut nooqataassapput, taamaattumillu utoqqaat angerlarsimaffianut sulisussanik nutaanik pissarsiortoqassalluni.

Tamatuma saniatigut utoqqaat angerlarsimaffiani oqilisaassinissamut periarfissat annertusissapput, tamannami ullumikkut amigaatigineqarpoq, napparsimavimmilu katsorsarneqareersunut paaqqutarisariaqartunut, angerlartinneqarsinnaanngitsunukllu, ulloq unnuarlu akiliuteqarluni napparsimavimmi uninngatitsisarnernut Atugarissaarnermut imikkoortortaqaarfikk annertuumik aningaasartuuteqartarpoq. Utoqqaat angerlarsimaffiat oqilisaassinissamut ataasiinnarmik iniuteqarpoq, najugaqartullu amerlassusaanut atatillugu oqilisaassinissamut amerlanerusunik inissanik pisariaqartitsisoqarpoq, init taakku aamma najugaqalersussanut piareersarfittut atorneqarsinnaallutik.

Puigortunngortut toqqissisimanissamik malugissutsikkullu kaammattorneqarnissamut pisariaqartitsinerat tunngavigalugu Atugarissaarnermut Immikkoortortap nalilerpaa innersuukkusullugulu, inissisimaffik nr. 2 siullertut toqqarneqassasoq, pinngortitamut qaninnerpaamik inissisimammat aamlau kangerlummut pitsaasumik isikkiveqarmat, kiisalu oqquartamiilluni. Angallannikkut akornusersuuteqassanngilaq aamlau eqqaamiuvi eqqissimanerupput, inissiat sulisunut inissiaallutik isumaginninnikkut inissiaanngimmata. Inissisimaffik 1 aappaattut toqqagassatut toqqarneqarsinnaovq, eqqaamiunit akornusersorneqarsinnaaneq pissutigalugu, ingammik aasaanerani meeqqat inuusuttullu unnuami aneersinnaapput. Immikkoortumi malugissutsikkut misigisanik kajumissaarisooqarsinnaanngilaq aamlau puigortunngortut silaannarissumik pisariaqartitsigunik altaniamiissinnaasariaqarput.

Innersuussut

Atugarissaarnermut immikkoortortaqrarfiup Atugarissaarnermut Ataatsimiititaliamut innersuussutigivaa;

1. 2020-mi aprilip arferngani Sanaartornissamut pilersaarut akuersissutigineqassasoq
2. Inissiiivissatut periarfissatut siunnersuutaasuni tallimani piukkunnarnerpaamik toqqaasoqassasoq
3. 2021-mut missingersuutininut ukiunullu missiluteqarfiusunut Missingersuutit pillugit isumasioqatigiinnermi ikkunneqarnissaanut, Aningaasaqarnermut ataatsimiititaliamut Kommunalbestyrelsimullu sanaartornermut ingerlatsinermullu missingersuutit innersuussutigineqassasut.

Aalajangiineq

Akuersissutigineqarput. Inissisimaffik nr. 2 toqqaarneqarpoq.

Ilanngussat

1. Sisimiuni Teknikkeqarnermut Avatangiisinullu immikkoortortamit Sanaartornissamut pilersaarutaagallartoq, 6.4.2020-mi suliarineqartoq
2. Sisimiuni puigortunngortunut utoqqaat angerlarsimaffissap inissisimaffissaanut tunngatillugu allakkiaq, Sisimiuni Teknikkeqarnermut Avatangiisinullu immikkoortortamit suliarineqartoq
3. Inissiiiffiusinnaasut tallimaasunut sanaartornermut aningaasartuutissanut exel-ikkut takussutissiaq
4. Immikkoortoq 26, sanaartorfigissaaneq puigortunngortunullu utoqqaat angerlarsimaffianut inissiineq
5. 1826 Missiliuut B
6. Ilaqutariinnermut Isumaginninnermullu Ataatsimiititaliap ataatsimiinneranit imaqarniliaq

Suliassat naligninnaasut

Imm. 05 Siusinaartumik pensionisiat pillugit Inatsisartut inatsisaata allanngortinneqarnera pillugu tusarniaanermut akissuteqaat

Journalnr. 43.03

Tunuliaqutaq

Isumaginninnermut Inatsisinillu atuutitsinnermut Naalakkersuisoqarfiup aprilip 17-iani 2020-mi siunnersuut pillugu tusarniumik uunnga nassiussivoq: “Siusinaartumik pensionisiat pillugit Inatsisartut inatsisaata nr. xx, xx 2020-meersup allanngortinneqarnissaa pillugu Inatsisartut inatsisaat” Qeqqata Kommunanut.

Maleruagassatigut tunngavigisaaq

Siusinaartumik pensionisiat pillugit Inatsisartut inatsisaat nr. 40, 9. december 2015-imeersooq aamma siusinaartumik pensionit pillugit Inatsisartut inatsisaannik allannguinnissaaq pillugu Inatsisartut inatsisaat nr. 6, 27. november 2018-imeersooq

Pissutit atuuttut

Tusarniaanermi akissuteqaat Atugarissaarnermut Immikkoortortami sulisuni pisortaanerullu sulisuinit suliarineqarpoq. Inatsimmi allanguutit pillugit Tusarniummut akissuteqaat Atugarissaarnermi Atatsimiititaliamut politikkikkut suliassanngorlugu nassiunneqarmat. Tusarniummut ulloq killigititaq tassaavoq 15. maj 2020.

Atuilluartuunissakkut kingunerisinnaasai

Nalunaarummi allannguutit erseqqisarneqarnerat atuilluartuuneruvoq, taamaalilluni ataatsimut paaseqatigiinneq anguneqassamat. Tamanna innutaasunik sullissinnermut pitsanngorsaaqataassaaq.

Aningaasaqarnikkut allaffissornikkullu kingunerisinnaasai

Tusarniummut akissuteqaat allaffissornikkut aningaasaqarnikkulluunniit kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia tusarniaanermi akissuteqaatinik tullinnguuttunik suliaqarnikuuvoq: Siusinaartumik pensionisiat pillugit Inatsisartut inatsisaanni allannguutip qulaajanermut piginnaanngorsaqqinnermullu nassuiaatitaqartoq erseqqissaatitaqartorlu Qeqqata Kommunanit tapersorsorpari.

Qeqqata Kommunia maalaaruteqarnissamat piffissaliussat § 39, imm. 2 -miittup qulaajarneqarnissaa kissaatigaa, tassani maalaaruteqarnissamat piffissaliussaaq sapaatit akunneri sisamaapput, sulianili allani nalinginnaasumik sapaatip akunneri arfiniliullutik. Siusinaartumik pensionisitaqarnermut maalaaruteqartarfimmuat maalaaruteqarnissamat piffissaliussat sulianit allanit allaaneruppat, imaluunniit § 39, imm. 2 malillugu sapaatit akunneri arfiniliussappat?

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- Oqaaseqaatasinnaasunik allanik saqqummiussisoqassasoq
- Tusarniaanermut akissuteqaat Isumaginninnermut Inatsisinillu Atuutsitsinermut Naalakkersuisoqarfimmut nassiunneqassasoq

Aalajangiineq

Akuersissutigineqarpoq.

Ilanngussat

1. Siusinaartumik pensionisiat pillugit Inatsisartut inatsisaata allanngortinneqarnera pillugu tusarniaassut.
2. Siusinaartumik pensionit pillugit Inatsisartut inatsisaata allanngortinneqarnissaanut siunnersuut
3. Siusinaartumik pensionit allannguutaanut oqaaseqaatit

Paasissutissiissutit

Imm. 06 Sisimiuni Meeqqanut Ineriartortitsinermit centerip Isikkiviup aamma Qeqqata Kommuniata akornanni suleqatigiinnissamik isumaqatigiissut

Journalnr. 42.01

Tunuliaqutaq

Meeqqat sunnertiasut pillugit suleqatigiinnissamik aallartitsinissaq siunertaralugu Sisimiuni Meeqqanut Ineriartortitsinermit centerip aqutsisuanik Maniitsumi Sisimiunilu Atugarissaarnermut immikkoortortat utikattumik ataatsimeeqateqartarnikuupput.

Meeqqanik inuusuttunillu sunnertiasunik anguniaqarfiusunut Sisimiuni Isikkivimmi Meeqqanut Ineriartortitsinermit centeri ilisimasaqarpoq, taamaattumillu Qeqqata Kommuniata aamma Sisimiuni Meeqqanut Ineriartortitsinermit centerip akornanni suleqatigiinnermik aallartitsisoqarnikuulluni. Ataatsimiittarnerit inernerivaat, suleqatigiinnissamik isumaqatigiissumik suliaqartoqarnera.

Maleruagassatigut tunngavigisaaq

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-meersoq Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.

Pissutit atuuttut

Suleqatigiinnissamik isumaqatigiissummik siunertaavoq, meeraq qitiutillugu Qeqqata Kommuniata aamma Sisimiuni Meeqqanut Ineriartortitsinermit centerip akornanni pitsaasumik suleqatigiinnermik aallartitsisoqassasoq.

Maannakkut suleqatigiinniukkut suliaasat:

1. Pinasuortoqartillugu qasuersaartitsisoqassatillugulu meeqqamik tiguisineq
2. Angajoqqaarsianik qasuersaartitsinermit (akunnerup naanerani, sulinnigiffeqarnermi allatigullu)
3. Meeqqanik ulorianartorsiortunik sivikitsumik asimiititsineq (aasaanerani tammaarsimaartitsineq/ukiuunerani tammaarsimaartitsineq):
4. Ilaqutariit paarsisartunik perorsaanikkut oqaloqateqartoq, aammalu Perorsaanikkut sammisaqarluni ulloqartitsinermit assigisaannullunniit ilaqutariit paarsisartunik peqataatitsisinnaaneq.
5. Tassunga attuumassuteqarsinnaasunut pikkorissaaneq (ass. neqeroorutaasinnaasut takkuttussat):
6. Aqutsinerup ingerlaneranut tunngatillugu ilisimasamik avitseqatigiinneq

Suliaq 2019-imi aggustip 21-ani Ilaqutariinnermit Isumaginninnermullu ataatsimiititaliameereernikuuvoq. Ilaqutariinnermit Isumaginninnermullu ataatsimiititaliaq tullinnguuttutigut aalajangiivoq: "Ataatsminiissap tullianut kinguartinneqarpoq, inatsisitigut tamakkiisumik paasissutissat ersarissumik saqqummiunneqassammata aammalu Namminersorlutik Oqartussani tusarniaaffigineqassammata taamatuttaaq suleqatigiinnissamut isumaqatigiissut kalaallisut nutseqqassamat".

Atuilluartuunissakkut kingunerisinnaasai

Sisimiuni Meeqqanut Ineriartortitsinermit centerip suleqatiginerani suliat pinasuartut suliarineqartarnerannut pitsaangorsaataassaaq, kiisalu angajoqqaarsianut tapersersuineq annertusissalluni, tamannalu atuilluartumik ineriartortitsineruvoq.

Aningaasaqarnikkut allaffissornikkullu kingunerisinaasai

Suleqatiinnissamik isumaqatigiissutip inernerissavaa, aqutsinerup ingerlaneranut atatillugu sullissinermut soorlu pinasuartumik inissiinermut, qasuersaartitsinermut, tammaarsimaartitsinermut, siunnersueqatigiinnermut ilisimasanillu avitseqatigiinnermut Qeqqata Kommuniata akiliisarnissaa, tamannalu ilaanneeriarluni atuinerunermik kinguneqarsinaavoq.

Allaffeqarfiup naliliinera

Ilaqtariinnermut immikkoortortaq naliliivoq, Sisimiuni Meeqqanut Ineriartortitsinermit centerimik isumaqatigiissummut matumunnga ilanngunneq Qeqqata Kommunianut iluaqutaassasoq, taamaaliornikkut suliat pinasuartut arlallit iluatsinneqarsinnaammata. Taassuma saniatigut kommunimi angajoqqaarsiaasut siunnersueqatigiinnermut ullunilu sammisaqarfiusunut peqataasinnanangussapput, tamannalu aamma assut kissaatigineqarpoq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa
- suleqatigiinnissamik isumaqatigiissut akuersissutigineqassasoq

Aalajangiineq

Akuersissutigineqarpoq.

Ilanngussat

1. Sisimiuni Meeqqanut Ineriartortitsinermit centerip aamma Qeqqata Kommuniata akornanni suleqatigiinnissamik isumaqatigiissut

**Imm. 07 Ilisimatitsissut meeqqat tapersorsorneqarnissaannut nalunaarutip
allanngortinnissaanut tusarniummut akissut.**

Journalnr. 42.00

Tunuliaqutaq

Isumaginninnermut Inatsisinillu Atuutsitsinnermut Naalackersuisoqarfik 2020-mi apriliip 27-ani uunga siunnersuummik nassiussivoq: Meeqqat tapersorsorneqarnissaannut* Namminersorlutik Oqartussat nalunaarutaat nr. xx, xx-imeersoq pillugu Qeqqata Kommuniaut tusarniutigineqartoq.

Maleruagassatigut tunngavigisaaq

Meeqqat tapersorsorneqarnissaannut inatsit nr. 20, 26 juni 2017-meersumut aamma Meeqqat tapersorsorneqarnissaannut inatsit nr. 36, 23. november 2017-meersumut Inatsisartut inatsisaannut allannguut.

Pissutit atuuttut

Tusarniaanermi akissut Atugarissaarnermut Immikkoortortap pisortaanerullu sulisuinit suliarineqarpoq. Tusarniaanermi akissuteqaat, nalunaarummi allannguutitut annikitsunut tunngamat, Atugarissarnermut Ataatsimiititaliamut ilisimatitsissutiinnartut ingerlatinneqarpoq. Tusarniaanermut akissuteqaatut Isumaginninnermut Inatsisinillu Atuutitsinnermut Naalackersuisoqarfimmut majip 4.-ni 2020-imi nassiunneqarput.

Atuilluartuunissakkut kingunerisinaasai

Nalunarummi allannguutit erseqqissarneqarnerat atuilluartuuneruvoq, taamaalilluni ataatsimut paaseqatigiinnissaaq qulakkeerneqassamat. Tamanna innuttaasunik sullissinnermut pitsanngueqataassaaq.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut allaffissornikkullu kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia tusarniutip akissutaanik ukuninnga suliaqarnikuuvoq:
Qeqqata Kommunia nalunaarummik allannguinnermut oqaaseqaatissaqanngilaq.

Innersuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa
- tusarniummut akissuteqaat pillugu ilisimatitsissut tusaatissatut tiguneqassasoq

Aalajangiineq

Tusaatissatut tiguneqarpoq.

Ilanngussat

1. Meeqqat tapersorsorneqarnissaannut nalunaarummi allannguutit pillugit tusarniut
2. Meeqqat tapersorsorneqarnissaannut nalunaarummut allannguutitut siunnersuut

Imm. 08 Paasissutissiissut innuttaasunut innarluutilinnut 66-it inorlugit ukiulinnut, utoqqaat angerlarsimaffianni Qupanuk-mi najugaqartunut akiliutinut ilassutitut aningaasaliissutinik qinnuteqaat. Sisimiut

Journalnr. 06.02.01

Tunuliaqutaq

Kukkunersiuisut BDO-mi sulisut marluk 2019-imi ukiakkut Qeqqata Kommunianni Sisimiuniinnerini Atugarissaarnermut Immikkoortortamit ataatsimeeqatigineqarput. Sisimiuni utoqqaat angerlarsimaffianni Qupanuk-mi najugaqartut innarluutilinnut 65-it inorlugit ukiulinnut akigititanik soqanngitsoq, kukkunersiuisunit oqaasiinnakkut uparuaatigineqarpoq. Taamatullu kukkunersiuisunit aamma paasititsissutigineqarluni, Atugarissaarnermut Immikkoortortaq taamanikkut innarluutilinnut atuiffik 48, innarluutilinnut immikkoortortaq, taamanikkut utoqqaat angerlarsimaffiannut atuiffik 47-09-mik peqartoq. Atugarissaarnermut Immikkoortortaq innarluutilit immikkoortortaaaniit innuttaasunut innarluutilinnut 65-it inorlugit ukiulinnut akigititanik utoqqaat angerlarsimaffianut pilersitsisoqarnissaanik kukkunersiuisunit piuffigineqarmat, aningaasartuutissanut taakkununga ilassutitut aningaasaliissutinik 1.093.368,00 koruuninik qinnuteqartoqarpoq.

Maleruagassatigut tunngavigisaaq

Oqaaseqaatissaqanngilaq

Pissutsit atuuttut

Atugarissaarnermut Immikkoortortaq innuttaasunut innarluutilinnut 66-it inorlugit ukiulinnut, pensionisiaqalernisamat killigitinneqartumut akiliutissaasumut ilassutitut aningaasaliissutinik 1.093.368,00 koruuninik qinnuteqarpoq. Inuit innarluutilit tapersorsorneqarnissaannut Inatsisartut inatsisaat nutaaq 2020-mi januaarip aallaqqaataani atuutilersinneqarpoq, tassanilu annertuumik innarlutilinnut ikiorsiisarneq pillugu Inatsisartut peqqussutaannut sanilliullugu inatsimmi tassani 65-inik ukioqalernermi ikiorsiissuteqartarnermut killigititaqanngilaq, tassani 65-it inorlugit ukiulinnut killigitinneqarluni. Tamanna pillugu 2020-mi 66-inik ukioqarnissaq killigitineqarpoq, utoqqalinermi pensioneqalernermi killigitinneqartoq, taamaalillunilu taamatut ukioqarnermi utoqqaat angerlarsimaffiannut innersuussisoqarsinnaalluni.

Maannakkut utoqqaat angerlarsimaffianni Qupanuk-mi najugaqartut 66-it inorlugit ukiullit marluupput, innarluuteqarnertik pillugu utoqqaat angerlarsimaffianni najugaqartinneqartut. Innuttaasut taakku marluk innarluuteqarnertik pillugu namminneq angerlarsimaffigisami najugaqarsinnaanngillat, Sisimiuni allamik periarfissaqanngimmat utoqqaat angerlarsimaffiannut innersuunneqarnikuullutik.

Najugaqartunut taakkununga marluusunut akigititamut ilassutitut aningaasaliissutinik 1.093.367,40 koruuninik qinnuteqartoqarpoq, taamaalilluni innarluutilinnut immikkoortortamiit utoqqaat angerlarsimaffiannut akigititanut akiliisnaaniassammat, tassani akigititanut akiliutit akuerisaasut atorlugit najugaqartunut taakkununga marlunnut tapersorsortinut aningaasartuutit matussuserneqarsinnaaassallutik.

Akigititanut akiliutitigut utoqqaat angerlarsimaffianni tapersorsortinik atorfitsitsinissamat, najugaqartunik marlunnik takkunanga isumassuineramik ulluinnarni suliaqartussaasunut aningaasartuutit matussusissavaat,

Atuilluartuunissakkut kingunerisinnaasai

Siusinnerusukkut innarluutilinnut tunngasuni atuiffimmut pilersaarummik, innarluutilinnut 66-it inorlugit ukiulinnut utoqqaat angerlarsimaffianni najugaqartunut, utoqqaat angerlarsimaffiannut atuiffimmik nuussiffissamik peqarnikuunngilaq, aammalu innarluutilinnut najugaqartitsisarnermut akiliutinut atuiffimmik soqarani, taamaalilluni utoqqaat angerlarsimaffiat tapersersortitut akissarsiaqartitsinermit matussutissanik peqarani.

Maniitsumi taamaattoqarpoq, tamannalu eqqarsaatigalugu kukkunersiuisunit nalimmassaasoqarnissaanik piunasaqartoqarneratigut, najugaqartunut marlunnut tapersersortit akissarsiaqartinneqarnerinut matussutissanik qinnuteqartoqarpoq,

Taamatuttaaq aamma isertitanut atuiffimmik pilersitsisoqasaaq, aammalu innarluutilinnut tunngasuni akiliutinut matussutissanut atuiffimmik pilersitsisoqassalluni.

Akiliutit eqqarsaatigalugit kukkunersiuisut oqaasiinnakkut nalunaarutaat malillugu nalimmassaasoqasaaq.

Aningaasaqarnikkut allaffissornikkullu kingunerisinaasai

Innuttaasut	Ullormut aki	Januaarimiit – decembarip 2020	Ukiunut 2021-mit 2023 tikillugu missiliuuteqarfiusut
Innuttaasoq 1	1.498,00	546.836,00	546.836,00
Innuttaasoq 2	1.498,00	546.836,00	546.836,00
Katillugit 2020		1.093.368,00	1.093.368,00

Allaffeqarfiup naliliinera

Atugarissaarnermut Immikkoortortaq Kukkunersiuisut nalunaarutaat malillugu iliuuseqarpoq, taamaalilluni Maniitsumi iliuuseq malillugu nalimmassaasoqassalluni.

Taamaalillunilu innarluutilinnut 66-it inorlugit ukioqartunut utoqqaat angerlarsimaffianni najugaqartunut tapersersorteqartitsinerup saniatigut aningaasartuutinut utoqqaat angerlarsimaffiannut aningaasanik ilassusiinermi, utoqqaat illuani atuineq aamma eqqornerusumik ingerlalissaaq.

Atugarissaarnermut Immikkoortortaq innarluutilinnut immikkoortortap ataani utoqqaat angerlarsimaffiannut akiliutinut atuiffimmik pilersitsissaaq, aammalu utoqqaat angerlarsimaffianni innarluutilinnut najugaqartitsinermit akigititanut Maniitsumisut atuiffimmik pilersitsisoqassalluni. Ilassutissatut aningaasaliissutit akuerineqariarpata, qaammatit tamaasa utoqqaat angerlarsimaffiat innarluutilinnut immikkoortortamut akiliutissanik takussutissartalimmik ilalerlugu qinnuteqaammik nassiussisassaaq.

Najugaqartunut marlunnut akiliutissanut ilassutissatut aningaasaliissutinik qinnuteqartoqassaaq, innutaasunillu allanik 66-it inorlugit ukiulinnik aamma utoqqaat angerlarsimaffianut nuuttoqariasaartoqarnissa eqqarsaatigalugu tamanna ingerlaavartuussaaq.

Innersuussut

Ilaqutariinnermut immikkoortortap Atugarissaarnermut ataatsimiititaliami siulittaasumut innersuussutigaa

- Innuttaasunut innarluutilinnut marlunnut 66-it inorlugit ukiulinnut, utoqqaat angerlarsimaffiani akigititanut akiliinissap matussusiinissamut siunertaq kode 551040100-mut immikkut aningaasaliissutinik 1.093.368,00 koruuninik qinnuteqaat akuersissutigineqassasoq
- suliaq Aningaasaqarnermut Ataatsimiititamut akuersissutigisassanngorlugu ingerlateqqinneqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Siulittaasup aalajangiinera

Innersuussut ulloq 15.04.2020 ataatsimiititaliap siulittaasuanit akuersissutigineqarpoq.

Atugarissaarnermut Ataatsimiititaliap suliareqqiinera

Innersuussut

Siulittaasup ulloq 15.04.2020 akuersissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

Soqanngilaq.

Imm. 09 Tamalaat

Juliane Enoksen-ip angerlarsimaffeqanngitsut sumiiffissaat pillugu suliaq sumut killinnersoq apeqquteqarpoq. Pisortaanerup tamanna akissuteqarfigaa.

Anna Karen Hoffmann Kangerlussuarmi Orpigaq ataatsimiititaliaq sinnerlugu pulaartussaanini eqqaaasissutigivaa.